



詩紀卷之七十八

梁十五

任昉

字彥昇樂安博昌人雅善屬文尤長載筆沈約
一代詞宗深所推挹仕齊為竟陵王記室參軍
司徒長史武帝踐阼拜黃門侍郎掌著作出為義
興太守轉御史中丞出為新安太守為政清省吏
民便之○詩品曰彥昇少年為詩不工故世稱沈
詩任筆昉深恨之晚節愛好既薦文亦道變善銓
事理拓體淵雅得國士之風但昉既博物動輒
用事所以詩不得奇少年七子效其如此弊矣

為王嫡子侍皇太子釋奠宴

在昔歸運阻亂弘多夷山製宇盪海為家風雲改族日
月增華欽聖茲遠懷道茲冲踐言動俗果行移風進往

丹簣啓或三蒙冰實因水金亦在鎔惟神知化在物立
言樂正雅頌咸被後昆告奠明祀觀道聖門日月不息
師表常尊王猷千劫星大千釋奠宴

贈王僧孺

梁書曰王僧孺由治書侍御史出爲唐令初
僧孺與樂安任昉遇竟陵王西邸以文學友
會及是將之縣
昉贈詩其略曰

惟子見知惟余知子觀行視言要終猶始敬之重之如
蘭如芷形應影隨曩行今止百行之首立人斯著子之
有之誰毀誰譽脩名旣立老至何遽誰其執鞭吾爲子
升高有屬嘉爾晨燈惜余夜燭

重門題答劉居士

御劉略班藝虞志荀錄伊昔有懷交相欣勗下帷無倦
君子之道亦有其四高行絕俗盛德出類才同文錦學
非書肆望之可階即之難至輟精天理躔象少微人與
俗異道與人違庭飛熠燿室滿伊威行無轍跡理絕心

機

九日侍宴樂遊苑

帝德峻韶夏王功書頌平共貫汾五勝獨道邁三英我

皇撫歸運時乘信告成一唱華鍾石再撫被絲笙黃草
歸雒木梯山薦玉榮時來濁河變瑞起溫洛清物色動
宸眷民豫一作務降皇情

奉和登景陽山

物色感神遊升高悵有閱南望銅駝街北走長楸埒別
澗宛滄溟疏山駕瀛碣奔鯨吐華浪司南動輕柂日下
重門照雲開九華澈觀閣隆舊恩奉圖愧前哲

泛長溪

狗祿聚歸糧依隱謝羈勒絕物甘離群長懷思去國長
溪永東舍震區窮水域道遇垂綸叟聊訪問津惑弭楫
申九言無爲累牽縵長泛滄浪水平明至曛黑

落日泛舟東溪

黝黝桑柘繁芄芄麻麥盛交柯溪易陰反景澄餘映吾
生雖有待樂天庶知命不學梁甫吟唯識滄浪詠田荒
我有役秩滿余謝病

濟浙江

昧旦乘輕風江湖忽來往或與歸波送乍逐翻流上近
岸無暇目遠峯更興想綠樹懸宿根丹崖頽久壤

贈郭桐廬出谿口見候余既未至郭仍進村維
舟久之郭生方至

朝發富春渚蓄意忍相思
涿令行春返冠蓋溢川坻
望久方來萃悲懽不自持
滄江路窮此湍險方自茲
疊嶂易成響重以夜後悲
客心幸自弭中道遇心期
親好自斯絕孤遊從此辭

荅何徵君

散誕羈鞅

一作勒

外拘束名教裏得性千乘同山林無

一作

亦朝市勿以耕蚕貴空笑易農士宿昔仰高山超然絕

塵軌傾壺已等藥命管亦齊喜

一作壺已等藥命管亦齊符璽

無為嘆

獨遊若終

一作路

方同止

贈徐徵君

外編作吳均者非

促生悲永路早交傷晚別自我隔容徽於焉徂歲月情
非山河阻意似江湖悅東臯有儒素杳與榮名絕曾是
違賞心曷用箴余缺眇焉追平生塵書廢不閱信此伊
能已懷抱豈暫輟何以表相思貞松擅嚴節

荅劉孝綽

南史曰孝綽繪之子年十四父黨沈約任昉
范雲等聞其名命駕造焉昉尤相賞愛梁天

六朝詩集卷之五
監初孝綽起家著作佐郎
為歸沐詩贈任昉昉報曰

閱水既成瀾藏舟遂移壑彼美洛陽子投我懷秋作久

敬類誠言吹噓似嘲謔兼稱夏雲盡復陳秋樹索詎慰

耄嗟人徒深老夫託一作徒然直史兼褒貶轄司專疾

惡九折多美疹匪報庶良藥子其崇鋒穎春耕勵秋獲

歸沐呈任中丞昉
劉孝綽

步出金華省還望承明廬壯哉宛洛地佳麗實皇居

虹蜺拖飛閣蘭芷覆清渠圓淵倒荷芰方鏡寫簪裾

白雲夏峯盡青槐秋葉疎自我從人爵蟾兔屢盈虛

殺青徒已汗司舉未云書文昌愧通籍臨邛幸第如

夫君多敬愛蟠木濫吹噓時時釋簿領騶駕入吾廬

自唾誠礪硃無以儷璠璣但願長閑暇酌醴薦焚魚

荅到建安餉杖

故人有所贈稱以冒霜筠定是湘妃淚潛灑遂隣彬扶

危復防咽事歸薄暮人勞君尚齒意矜此杖鄉辰復資

後坐一作生彦候余方欠伸獻君千里笑紆我百憂頓坐

適雖有器卧遊苦無津何由乘此竹直見平生親

餉任新安班竹杖因贈
到漑

邛竹藉舊聞靈壽資前識復有冒霜筠寄生桂潭側
文彩既斑斕質性甚綢直所以夭天真爲有乘危力
未嘗以過投屢經芸苗植

寄到漑

南史曰時漑爲建安太守
守昉寄詩求二彩段

鐵錢兩當一百易代名實爲惠當及時無待涼秋日

荅

到漑

予衣本百結閩中徒八蠶假令金如粟詎使廉夫貪

別蕭諮議

衍

離燭有窮輝別念無終緒岐言未及申離目已先舉揆
景巫衡阿臨風長楸浦浮雲難嗣音徘徊悵誰與儻有
關外驛聊訪狎鷗渚

厲吏人講學

暮燭迫西榆將落誠南畝曰余本踈惰頽暮積榆柳踐
境渴師臣臨政欽益友盱食願橫經終朝思擁帚雖欣
辯蘭艾何用闢蒿莠

苦熱

樂府作
苦熱行

旭旦烟雲卷烈景入東軒傾光望轉蕙斜日照西垣旣

卷焦梧葉復傾葵
藿根重簾無冷氣
挾石似懷溫
脈粟類珠綴
喘嚇狀雷奔

同謝朓花雪

土膏候年動積雪
表晨暮散葩似浮玉
飛英若總素東序
皆白珩西籬
盡翔鷺山經陋
密一作榮騷人貶瓊樹

出郡傳舍哭范僕射三首

平生禮數絕式瞻
在國楨一朝萬化盡
猶我故人情待時
屬興運王佐俟
民英結懽三十載
生死一交情
携手道衰孽
接景事休明
運阻衡言革
時泰玉階平
濟冲得

茂彥夫子值狂生
伊人有涇渭非余揚
濁清將乖不忍別
款以遣離情
不忍一辰意
千齡萬恨生

已矣平生事詠歌
盈篋笥蕙復相嘲
謔常與虛舟值
何時見范侯
還叙平生意

與子別幾辰
經塗不盈旬
弗覩朱顏改
徒想平生人
寧知安歌日
非君撤瑟晨
已矣余何歎
輟春哀國均

嚴陵瀨

群峯此峻極
參差百重嶂
清淺旣漣漪
激石復奔壯
神物徒有造
終然莫能狀

詠池邊桃

已謝西王苑復揖綏山枝聊逢賞者愛栖趾傍蓮池開
紅春灼灼結實夏離離闕

王僧孺

東海郊人七歲能讀十萬言家貧嘗傭書以養母寫畢即諷誦仕齊為太學博士累遷尚

書左部郎出為南康王長史蘭陵太守。僧孺好書聚至萬餘卷其文麗逸多用新事。

朱鷺

因風弄玉水映日上金堤猶持畏羅繳未得異鳥驚聞
君愛白雉兼因重碧雞未能聲似鳳聊變色如珪願識
昆明路乘流飲復棲

鼓瑟曲有所思

夜風吹熠燿朝光照昔耶

昔耶瓦松也一作辟邪

幾銷蘼蕪葉空

落蒲桃

一作菊

花不堪長織素誰能獨浣沙光陰復何極

望促反成賒知君自蕩子柰妾亦倡家

白馬篇

千里生冀北玉韉黃金勒散蹄去無已搖頭意相得豪
氣發西山雄風擅東國飛鞚出秦隴長驅繞岷隴承謨
若有神稟筭良不惑滯汨河水黃參差嶂雲黑安能對
兒女垂帷弄毫墨兼弱不稱雄後得方為特此心亦何

已君恩良未塞不許跨天山何由報皇德

古意

一云遊俠。英華作樂府。

青絲控燕馬紫艾飾吳刀朝風吹錦帶落日映珠袍陸
離關右客照耀山西豪雖非學詭遇終是任逢遭人生
會有死得處如鴻毛寧能偶雞鶩寂寞隱蓬蒿

登高臺

陳祖孫登有宮殿名登高臺詩

試出金華殿聊登銅雀臺九路平如掌

一作砥

千門洞已

開軒車映日過簫管逐風來若非邯鄲美便是洛陽才

湘夫人

桂棟承薜帷眇眇川之湄白蘋徒可望綠芷竟空滋日
暮思公子銜意嘿無辭

侍宴

麗景屬春餘清陰澄夏首交枝隱脩逕迴流影遙臯徒
帷轢輕筠移鑿拂高柳去矣勞茂績勉哉報嘉誘小臣
良不才涓塵愧所守何用勝雕斲譬木良如朽

又

一作侍宴景陽樓

迴輿避暑宮下輦迎風館散漫輕烟轉霏微商雲散蔓
草亘巖垂高枝起天半回風稍驚水落光漸斜岸妙儻

駐行雲清歌入層漢
醉顏暢有懌德音良已粲

落日登高

憑高且一望目極不能捨
東北指青門西南見白社
軫軫河梁上紛紛渭橋下
爭利亦爭名驅車復驅馬
寧訪蓬蒿人誰憐寂寞者

中川長望

長川杳難即四望四無極
安流寧可值憤風方未息
危帆渡中懸孤光岩下晃
岸際樹難辯雲中鳥易識
莫恨東復西誰知迂且直
故鄉相思者當春愛顏色
獨寫千

行淚誰同萬里憶

贈顧倉曹

洛陽十二門樓闕似西崑
曖曖杳杳下相望隔畫垣
畫垣向阿閣栖鳳復栖鴛
五曹均趨奏六尚等便煩
朝爐何馥馥夜錦有餘溫
日中驅上駟驤首遍京宛
晨趨魏公子夕宿韓王孫
夙昔今何在生平棄不論
譬如菴苑草心謝葉空存
誰復三承睫獨念九飛魂

秋日愁居荅孔主簿

首秋雲物善晝暑旦猶清
日華隨水汎樹影逐風輕
依

簾野馬合當戶昔耶生物我一無際人鳥不相驚儻過

北山北聊訪法高卿法真字高卿見後漢逸民傳

至牛渚憶魏少英

楓林曉似畫沙岸淨如掃空籠望懸石回斜見危島綠
草閑遊蜂青葭集輕鶻徘徊洞初月浸淫潰春潦非願
歲物華徒用風光好

寄何記室

思君不得見望望獨長嗟夜風入寒水晚露拂秋花何
由假日御暫得寄風車

忽不任愁聊示固遠

去秋客舊吳今春投故越淚逐東歸水心挂西斜月未
應歲貶顏直以憂殘髮

為何庫部舊姬擬薜蘿之句

出戶望蘭薰寒簾正逢君歛容裁一訪新知詎可聞新
人含笑近故人含淚隱妾意在寒松君心逐朝槿

何生姬人有怨

寒樹栖霸雌月映風復吹逐臣與棄妾零落心可知寶
琴徒七絃蘭燈空百枝顰容不足効啼粧拭復垂同衾

成楚越異國非此離

爲人傷近而不見

羸女鳳凰樓漢姬柏梁殿詎勝仙將死音容猶可見我
有一心人同鄉不異縣異縣不成隔同鄉更脉脉脉脉
如牛女何由得一語

月夜詠陳南康新有所納

一作陳南
康新納姬

二八人如花三五月如鏡開簾一種色當戶兩相映重
價出秦韓高名入燕鄭十城屢請易千金幾爭聘君意
自能專妾心本無競

詠擣衣

足傷金管遽多愴緹光促露團池上紫風飄庭裏綠下
機鷺西眺鳴砧遽東旭芳汗似蘭湯彫金辟龍燭散度
廣陵音摻寫漁陽曲別鶴悲不已離鸞斷還一作續尺
素在魚腸寸心憑鴈足

與司馬治書同聞隣婦夜織

洞房風已激長廊月復清藹藹夜庭廣飄飄曉帳輕雜
聞百蟲思偏傷一鳥聲鳥聲長不息妾心復何極猶恐
君無衣夜夜當窻織

為人述夢

見宋刻玉臺新詠時本不載

工知想成夢未信夢如此皎皎無片非的一皆是以
親芙蓉褥方開合歡被雅步極嬌妍含辭恣委靡如言
非倏忽不意成俄爾及寤盡空無方知悉虛詭

侍宴景陽樓

詩彙作鮑照者非

金鋪爍可鏡桂棟儼臨雲沾觴均飲德服道驗朝聞詎
論禹無間非耻堯為君小臣亦何者短翮屢追群

春日寄鄉友

旅心已多恨春至尚離群翠枝結斜影綠水散圓文戲

魚兩相顧遊鳥半藏雲何時不憫默是日最思君

夜愁示諸賓

簷露滴為珠池水合成璧萬行朝淚瀉千里夜愁積孤
帳閉不開寒膏盡復益誰知心眼亂看朱忽成碧

送殷何兩記室

掩袖出南浦驅車送上征飄飄曉雲駛濺濺旦潮平不
肖余何惜無貲爾勿輕儻有還書便一言訪死生

春閨怨

愁來不理髮春至更攢眉悲看蛺蝶粉泣望蜘蛛絲月

映寒蛩褥風吹翡翠帷飛鱗難託意駛翼不銜辭街一作綴

秋閨怨

斜光隱西壁暮雀上南枝風來秋扇屏月出夜燈吹深
心起百際遙淚非一垂徒勞妾辛苦終言君不知

詠寵姬

及君高堂還值妾妍粧罷曲房褰錦帳迴廊步珠履玉
釵時可拄羅襦詎難解再顧連城易一笑一作時千金買

在王晉安酒席數韻

藝文作詠姬人

窈窕宋華容但歌有清曲轉盼非無以斜眉幸相矚詎

減許飛瓊多勝劉碧玉何因送款款半飲杯中醪

為人寵姬有怨

可憐獨立樹枝輕根易搖已為露所浥復為風所飄錦
衾襞不開端坐夜及朝是妾愁成瘦非君重細腰

為姬人自傷

一作為姬人怨

自知心裏恨還向影中羞迴持昔慊慊變作今悠悠還
君與妾扇一作釵歸妾奉君裘斷絃猶可續心去最難留

為人有贈

碧玉與綠珠張盧復雙女曼聲古難匹長袂世無侶似

出鳳凰樓言發瀟湘渚幸有褰裳便含情寄一語

見貴者初迎盛姬聊為之詠

久想專房麗未見傾城者千金訪繁華一朝遇容冶家
本薊門外來戲叢臺下長卿幸未匹文君復新寡

傷乞人

少年空扶轍白首竟填溝葦蓆何由足菽藿不能周自
顧非好乞行且歆包羞勞君款曲問冒此殷勤酬

春思絕句

此詩諸家並作僧孺玉臺新
本誤作吳均外編因之非也

雪罷枝即青冰開水便綠復聞黃鳥聲全作相思曲

為徐僕射妓作

日晚應歸去上客強盤桓稍知玉釵重漸見羅襦寒

詩紀卷之七十八

詩紀卷之七十九

梁十六

張率

字士簡吳郡人年十二能屬文稍進作賦頌至年十六向二千許首起家齊著作佐郎遷尚書

殿中郎太子洗馬武帝霸府建引為相國主簿嘗為待詔賦武帝手勅曰相如工而不敏枚臯速而

不工卿兼之矣遂遷秘書丞後遷黃門侍郎出為新安太守卒

息園哀短歌行

四言

君子有酒小人鼓缶乃布長筵式宴親友盛壯不留容
華易朽如彼槁葉有似過牖往日莫淹來期無久秋風
悴林寒蟬鳴柳悲自別深懽由會厚豈云不樂與子同

壽我酒既盈我看伊阜短歌是唱孰知身後

遠期以下五言

遠期終不歸節物坐將

一作遷

變白露愴單衣

一作栖

秋風

息團扇誰能久別離他鄉且異縣浮雲蔽重山相望何

時見寄言遠期者空閨淚如霰

對酒

對酒誠可樂此酒復芳

一作能

醇如華良可貴似乳更非

珍何當留上客為寄掌中人金樽清復滿玉椀亟來親

誰能共遲暮對酒惜芳晨君歌尚未罷却坐避梁塵

且讀日出東南隅行

朝日照屋梁夕月懸洞房專遽自稱豔獨

伊覽光雖

資自然色誰能棄薄妝施著見朱粉點畫示頰黃含貝

開丹吻如羽發清陽金碧既簪珥綺縠復衣裳方領備

蟲彩曲裙雜鴛鴦手操獨繭緒唇凝脂燥黃

立輟入相逢行

相逢夕陰街獨趨尚冠里高門既如一甲第復相似憑

軼日歆昏何處訪公子公子之所在所在良易知青樓

出上路漸臺臨曲池堂上撫流徽雷罇朝夕施橘袖分

華實朱火燎金枝兄弟兩三人冠珮紛陸離朝從禁中
一作出車騎並驅馳金鞍馬腦勒聚觀路傍兒入門一
顧望鳧鵠有雄雌雄雌各數千相鳴戲羽儀並在東西
立群次何離離大婦刺方領中婦抱嬰兒小婦尚嬌稚
端坐吹參差丈夫無遽起神鳳且來儀

走馬引

良馬龍爲友玉珂金作羈馳騫宛與洛半驟復半馳條
忽而千里光景不及移九方惜未見薛公寧所知歛轡
且歸去吾畏路傍兒

滄海雀

大雀與黃口來自滄海區清晨啄原粒日夕依野株雖
憂鷲鳥擊長懷沸鼎虞况復隨時起翻飛不可拘寄言
挾彈子莫賤隋侯珠

楚王吟

章臺迎夏日夢遠感春條風生竹籟響雲垂草綠饒相
看重束素唯欣爭細腰不惜同從理但使一聞韶

清涼

登臺待初景帳殿謁餘晨羅帳夕風濟清氣尚波人長

簾涼可仰平筦温未親幸願同枕席為君橫自陳

玄雲

壞陣壓峨壘遮牕暗思扉映日斜生海跨樹似鵬飛
山妾已去落靨何由歸

白紵歌九首 七言

歌兒流唱聲欲清舞女趨節體自輕歌舞並妙會人情

依一作調絃度曲婉盈盈揚蛾為態誰目成

妙聲屢唱輕體飛流津染面散芳菲俱動齊息不相違

令彼嘉客澹忘歸時久翫夜明星稀

日暮舉門望所思風吹庭樹月入帷涼陰既滿草蟲悲

誰能離別長夜時流歎不寢淚如絲與君之別終何知

一作如

秋風鳴一作蕭條露垂葉空閨光盡坐愁妾獨向長夜一作

獨問淚承睫山高水深路難涉望君光景何時接

遙夜方遠時既寒秋風蕭瑟白露團佳期不待歲欲闌

念此遲暮獨無歡鳴弦流管增長歎

夜寒湛湛夜未央華燈空爛月懸光從風衣起發芬香

為君起舞幸不忘

列坐華筵紛羽爵清曲未終月將落歌舞及時酒常酌
無令朝露坐銷鑠

愁來

一作多

夜遲猶歎息撫枕思君終反仄金翠釵環稍

不飾霧縠流黃不能織但坐空閨思何極欲以短書寄

飛翼

遙夜忘寐起長歎但望雲中雙飛翰明月入牖風吹幔
終夜悠悠坐申旦誰能知我心中亂終然有懷歲方晏

長相思二首

雜言

長相思久離別美人之遠如雨絕獨延佇心中結望雲

雲去遠望鳥鳥飛滅空望終若斯珠淚不能雪

長相思久別離所思何在若天垂鬱陶相望不得知玉
階月夕映羅帷風夜吹長思不能寢坐望天河移

詠霜

駟見視乾度鍾鳴測地機秋冬交代序申霜白綏綏原
野生暮靄堦墀散夕霏徘徊總嚴氣悵望淪清輝平臺
寒月色池水愴風威凝陰同徂夜遺鴈獨歸飛繁叢亂
蕪絕繁林紛已稀貞松非受令芳草徒具腓

太廟齋夜

灑齋謝紛華一作寂寥清廟靜肅襟視牲盛端服侍嚴

省

詠躍魚應詔

戢鱗隱繁藻頌首承淶漪何用遊滇澥且躍天淵池

柳惲

字文暢河東解人也少有志學工為詩善尺牘齊竟陵王引為法曹參軍累遷太子洗馬試守

鄱陽相還除驃騎從事中郎武帝至京邑惲候謁石頭以為冠軍將軍征東府司馬天監初除長史

累遷左民尚書廣州刺史徵為秘書監復為吳興太守為政清靜民吏懷之感疾卒

江南曲

汀洲採白蘋日暖江南春洞庭有歸客瀟湘逢故人故

人何不返春花復應

一作將

晚不道新知樂祇言行路遠

長門怨

玉壺夜悄悄應門重且深秋風動桂樹流月搖輕陰綺

簷清露漙

一作滴

網戶思蟲吟歎息下蘭閣含愁奏雅琴

何由鳴曉佩復得抱宵衾無復金屋念豈照長門心

度關山

少長

一作長安

倡家女出入燕南垂唯持德自美本以容見

知舊聞關山遠何事總金羈妾心日已亂秋風鳴細枝

起夜來

城南斷車騎閣道覆青埃露華光翠網月影入蘭臺洞
房且莫掩應門或復開颯颯秋桂響非君起夜來

獨不見

別島望雲臺天淵臨水殿芳草生未積春花落如霰出
從張公子還過趙飛鸞奉帚長信宮誰知獨不見

芳林篇

芳林曄兮發朱榮時既晚兮隨風零隨風零兮返無期
安得陽華遺所思

贈吳均三首

寒雲晦滄洲奔潮溢南浦相思白露亭永望秋風渚心

知別路長誰一作謂若燕楚關候日遼絕如何一作附

行旅願作野飛鳥飄然自輕舉

遠遊濟伊洛秣馬度清漳邯鄲饒一作美女艷色含春

芳鼓瑟未成曲踏一作蹠履復翱翔我本遊客子情愛在

淮陽新知誰不樂念舊苦人腸

夕宿飛狐關晨登磧磔坂形為戎馬倦思逐征旗遠邊

城秋霰來寒鄉春風晚始信隴雪輕漸覺寒雲卷徃役

命所當念子加飡飯

雜詩

雲輕暮色轉草綠晨芳歸山墟罷寒晦園澤閨朝暉春
心多感動睹物情復悲自君之去矣蘭堂罷鳴機徒知
遊宦是不念別離非

七夕穿針

代馬秋不歸緇紈無復緒迎寒理衣縫映月抽纖縷的
爍愁睇光連娟思眉聚清露下羅衣秋風吹玉柱流陰
稍已多一作流景餘光欲誰與一作難取

詠薔薇

當戶種薔薇枝葉太歲蕤不搖香已亂無風花自飛春
閨不能靜開匣理明妃曲池浮采采斜岸列依依或聞
好音度時見銜泥歸且對清醑湛其餘任是非

奉和竟陵王經劉瓛墓下

見謝眺集

西河寂高業北海望清塵曾微誰與寄尚德在伊人遺
文重昭晰絕緒復紛紛露華白朝日蘭生無久春芳猷
動淵思撫軼履高辰山風起寒木野雀亂秋榛壠草時
易宿素軌邈難遵

擣衣詩五首

南史曰：憚以貴公子，早有令名。少工篇什，為詩云：亭臯木葉下，隴首秋雲飛。王融見而嗟賞。

孤衾引

一作紛

思緒獨枕愴

一作悵

憂端深庭秋草綠，高門

白露寒。思君起清夜，促柱奏幽蘭。不怨飛蓬苦，徒傷蕙

草殘

行役滯風波，游人淹不歸。亭臯木葉下，隴首秋雲飛。寒

園夕鳥集，思牖草蟲悲。嗟矣當春服，安見禦冬衣。

鶴鳴勞永歎，採菖傷時暮。念君方遠遊，望

藝文作賤

妾理紈

素秋風吹綠潭，明月懸高樹。佳人飭淨容，招携從

務所

步欄杳不極，離堂肅已扃。軒高夕杵散，氣爽夜砧鳴。瑤

華隨步響，幽蘭逐袂生。踟躕理金翠，容與納宵清。

泛艷迴烟綵，淵旋龜鶴文。淒淒合歡袖，冉冉蘭麝芬。不

怨杼軸苦，所悲千里分。垂泣送行李，傾首遲歸雲。

林風賦詠席

見謝眺集

照日汀洲際，搖風淥潭側。雖無獨爾輕，幸有青袍色。羅

袖少輕塵，象牀多麗飾。願君蘭夜飲，佳人時宴息。

從武帝登景陽樓

以下闕文

南史曰：武帝與宴必詔憚賦詩，嘗和武帝

登景陽樓篇，深見賞美。當時咸共稱傳。

太液滄波起長楊高樹秋翠華承漢遠雕輦逐風游

贈吳均二首

山桃落晚紅野蕨開初紫雲日自清明蘋芷齊霍靡離
念已鬱陶物華復如此

秋風度關隴楚客奏歸音颯颯避霜葉離離山塞禽

詩紀卷之七十九

詩紀卷之八十五

十七

度肩吾

字子慎新野人八歲能賦詩初為晉安王常侍王為太子兼通事舍人除安西湘東二王

錄事參軍累遷中庶子初簡文帝在藩雅好文士肩吾亦預其選簡文即位肩吾為度支尚書侯景矯詔遣肩吾喻當陽公大心尋舉州降肩吾因逃赴江陵未幾歷江州刺史領義陽太守卒

樂府

長安有狹斜行

長安有曲陌曲陌不容憶路逢雙綺襦問君居近遠我
居臨御溝可識不可求長子登麟閣次子侍龍樓少子

無高位聊從金馬遊三子俱來下左右若川流三子俱
來入高軒映彩旒三子俱來宴玉柱擊清甌大婦襞雲
裘中婦卷羅幃少婦多豔冶花鈿繫石榴夫君且安坐
歡娛方未周

賦得有所思

佳期竟不歸春日坐芳菲拂匣看離鏡一作開箱見別
衣井梧生未合宮槐卷復稀不及銜泥燕從來相逐飛

有所思

樂府作
昭明

佳人遠于隔乃在天一方望望江山阻悠悠道路長別

前秋葉落別後春花芳雷歎一聲響雨淚忽成行悵望
情無極傾心還自傷

洛陽道

微道臨河曲層城傍洛川金門纔出柳桐井半含泉日
起早恩外車廻雙闕前潘生時未返遙心徒眷然

賦得橫吹曲長安道

桂宮連複道黃山開廣路遠聽平陵鍾遙識新豐樹合
殿生光彩離宮起煙霧日落歌吹還回一作塵飛車馬度

以妾換馬

渥水出騰駒湘川實應圖來從西北道去逐東南隅琴
聲悲玉匣山路泣薜蘿似鹿將含炙千金會不俱

隴西行

借問隴西行何當驅馬征草合前迷路雲濃後暗城寄
語幽閨妾羅袖勿空縈

未央才人歌

從來守未央轉欲訝春芳朝風凌日色夜月奪燈光相
逢儻游豫暫為卷衣裳

侍宴應令

副君時暇豫曾城聊近遊清池寫飛閣踈樹出龍樓北
陸冰方壯西園春欲周梅心芳屢動蒲節促難抽徒然
欣並命無以廁應劉

侍宴宣猷堂應令

副君德將聖陳王才挾天歸來宴平樂置酒對林泉鑪
香雜山氣殿影入池漣豔舞時移節新歌屢上絃聽曲
慙迴顧思經徒欲眠

侍宣猷堂宴湘東王應令

陳王驂駕反副后西園遊並命登飛閣列坐對芳洲桂

巖逢暮序菊水值窮秋竹逕簫聲發桐門琴曲愁一作幽
徒奉文成誦空知思若抽

侍宴餞湘州刺史張續

洞庭資善政層城送遠離九歌揚妙曲八柱動芳枝雨
足飛春殿雲峯入夏池郢路方遼遠湘山轉蔽虧何當
好風日極望長沙

侍宴餞張孝總應令外編作吳均者非

層臺臨迴漲耿耿晴煙上欲送分符人翻似河隄望寒
雲暗積水秋雨蒙重嶂別念動神襟華文切離貺慙無

寡和曲空陪郢中唱

三日侍蘭亭曲水宴

策星依夜動鑾駕總朝遊旌門臨苑樹相風出鳳樓春
生露泥泥天覆雲油油桃花舒玉澗柳葉暗金溝襍川
分曲洛帳殿掩芳洲踴躍頰魚出參差絳棗浮百戲俱
臨水千鍾共逐流

九日侍宴樂游苑應令

轍跡光周頌巡遊盛夏功鉤陳萬騎轉閭闔九關通秋
暉逐行漏朔氣繞相風獻壽重陽節迴鑾上苑中疏山

開輦道間樹出離宮玉醴吹岩一作承苑菊銀牀落井桐御
梨寒更紫仙桃秋轉紅飲羽山西射浮雲冀北驄塵飛
金埒滿葉破柳條空騰後疑矯箭驚鴈避虛弓彫材濫
杞梓花綬接鷓鴻愧乏天庭藻徒參文雅雄

從皇太子出玄圃應令

春光起麗譙屣步陟山椒閣影臨飛蓋鷲鳴入洞蕭水
還登故渚樹長蔭前橋綠荷生綺葉丹藤上細苗顧循
慙振藻何用擬瓊瑤

奉和泛舟漢水往萬山應教

桂棹采棠船飄揚橫大川映巖沉水底激浪起雲邊迥
岸高花發春塘細柳懸陪歌承睿賞接醴侍恩筵誰云
李與郭獨得似神仙

山池應令簡文有山池詩

闌苑秋光暮金塘牧疑作收潦清荷低芝蓋出浪涌燕舟
輕逆湍流棹唱帶谷聚笳聲野竹交臨浦山桐迥出城
水逐雲峯閣寒隨殿影生

奉使北徐州參丞御

炎農稱卷領唐勛載允恭猶將表世盛尚且號民從未

如今聖主比德邁前蹤格天垂禮樂寰海置提封粉榆
 諒昔社朱方有舊墉故鄉深帝念巡狩及時雍禁園周
 百里離宮卽九重浮橋還瀉渭抗殿本疏龍過沛追鄉
 飲歸宛盛禮容千金登禹膳萬壽獻堯鍾依然對白水
 眷言懷赤松迴天隨輦道駐日逐戈鋒路遠大風積山
 長佳氣濃年光正婉婉春樹轉丰茸竹葉含初籜莫枝
 發早藂瑞木翻無鳥祥花更少蜂咸英起雲鳳率舞間
 笙鏞海鷗時出沒江鱣乍唵喁雲邊開輦樹霧裏識峩
 峩小人濫趨走虛薄愧無庸皇恩不可報河清徒易逢

和衛尉新渝侯巡城口號

簡文帝王筠同賦

維城寄右戚巡警屬勤王南瞻通灞岸北眺指橫芒入
 漢飛延閣臨雲出建章步逐天津遠城隨秋夜長露槐
 落金氣風寮上新涼

遊甌山

苑詩類選作沈約者非

平子去已久餘風今復追未必遊春草王孫自不歸路
 高村反出林長鳥更稀寒雲間石起秋葉下山飛西河
 方閱訓詎得解朝衣

疏圃堂

梁武帝有天安寺疏圃堂詩

北宮一作堂多暇豫時駕總鸞鑣路靜繁葭撒輪移羽蓋

飄臨空坐飛觀回首望浮橋風長曙鍾近地迥洛城遙

踈林不礙日涸浦暫通潮徒然等賓從並作愧群僚

尋周處士弘讓

試逐赤松遊披林對一丘梨紅大谷晚桂白小山秋石

鏡菱花發桐門琴曲愁一作道泉飛疑度雨雲積似重樓

王孫若不去山中定可留

賦得嵇叔夜

山林重明滅風月臨巖塵著書惟隱士談玄止谷神鴈

重翻傷性蠶寒更養身廣陵餘故曲山陽有舊隣俗儉

寧妨患才多反累身寄言山吏部無以助庖人

和太子重雲殿受戒

皇明執東曜帝宸居北辰小乘開治道大覺拯蒼民殊

塗同義路分流合智津傳香引上德列伎進名臣連閣

翻如畫圖雲更似真鏡山銜殿影梅梁落梵塵苑桂恒

留雪天花不待春萬年逢瑞應千生值法身天衣初拂

石豆火欲燃薪重善終無報一作無輕毛庶有因

詠同泰寺浮圖和簡文下同

望園臨柰苑王城對鄴宮還從飛閣內遙見崑山中天
衣疑拂石鳳翅欲凌空雲霓猶帶雨蓮井不生桐盤承
雲表露鈴搖天上風月出琛含采天晴幡帶虹周星疑
更落漢夢似今通我后情藝文作懷初照不與伊川同方應
捧馬出永得離塵蒙崑山首崑山也

賽漢高廟

昔作唐山曲今承紫貝壇寧知臨楚岸非復望長安野
曠秋先動林高葉早殘塵飛遠騎沒日徒一作半峯寒
徒然仰成誦終用試才難

亂後經夏禹廟

金簡泥初發龍門鑿始通配天不失舊為魚微此功林
堂上偃蹇山殿下穹隆侵雲似天闕照水類河宮神來
導赤豹仙女擁飛鴻松龕撤暮俎棗逕落寒叢仙舟還
入鏡玉軸更乘空去國嗟行邁離居泣轉蓬月起吾一作
吳山北星臨天漢中申胥猶有志苟息本懷忠待見撓
捨滅歸來松栢桐

亂後行經吳郵亭

外編作庚信者非

郵亭一回望風塵千里昏青袍異春草白馬即吳門獠

戎鯁伊洛雜種亂輾轅輦道同關塞王城似太原休明
鼎尚重秉禮國猶存殷牖爰雖曠堯城吏轉尊泣血悲
東走橫戈念北奔方憑七廟畧誓雪五陵寃人事今如
此天道共誰論

御亭吳大帝所建在晉陵今作郵誤也

經陳思王墓

公子獨憂生丘壟擅餘名採樵枯樹盡犁田荒隧平寧
追宴平樂詎想謁承明旦余來錫命兼言事結成飄颻
河朔遠颭颭颯風鳴鴈與雲俱陣沙將蓬共驚枯桑落
古杜寒鳥歸孤城隴水哀葭曲漁陽慄鼓聲離家來遠
客安得不傷情

過建章故臺

魯國觀遺殿韓城想舊臺仲宣原隰滿子建悲風來夏
蓮猶反植秋牕尚左

一作不

開圖雲仍溜

一作洩

雨畫水卽

生苔及君歡四望知余念七哀

和劉明府觀湘東王書

陳王擅書府河間富典墳五車方累篋七閣自連雲松
槩

鏗廉反

芳帙氣栢燠

許運反

起厨文羽陵青簡出媯泉綠

字分方因接遊聖暫得奉朝聞峯樓霞早發林殿日先

曉洛城復接限歸軒畏後群

和竹齋

百拱橫筇節千爐跨篋竿迴龍仍作柱置笛且成樂向
嶺分花徑隨階轉藥欄蜂歸憐蜜熟燕入重巢乾欲仰
天庭揆終知學步艱

從駕喜雨

西嶽浮罇桂東皇事浴蘭赦詔還京兆歸神出灌壇濕
風含酒氣陰雲助麥寒典農欣受職治粟喜當官復此
隨車雨民天知可安

奉和春夜應令

春牖對芳洲珠簾新上鈎燒香知夜漏刻燭驗更籌天
禽一作雞下北閣一作闕織女入西樓月皎疑非夜林疎似
更秋水光懸蕩壁山翠下添流詎假西園讌無勞飛蓋

遊

奉和武帝苦旱

陽山蛇不蟄沕澤鳥猶攢蹇息流膏雨將似怨祁寒支
衣夜不臥疏食晝忘飡潔誠同望祀惟馨等浴蘭江蘋
享上帝荆壁奠高巒繁雲興岳立蒸穴動龍蟠涓渠還

積水漉池更起瀾

奉和太子納涼梧下應令

和簡文

北園涼氣早步輦暫逍遙避日交長扇迎風列短簫山
帶彈琴曲桐橫棲鳳條懸門開溜水錦石鎮浮橋黑米
生菰葉一作青花出稻苗無因學仙藻雲氣徒飄颻

芝草

踟躕玩芝草淹留攀桂叢桂叢方偃蹇芝葉正玲瓏如
龍復如馬成閣復成宮黃金九華發紫蓋一作六英通
隱士蒼山北仙神海穴東隨丹聊變水獨搖不須風

詠美人

絳樹及西施俱是好容儀非關能結束本自細腰肢鏡
前難並照相將映淥池看粧畏水動斂袖避風吹轉手
齊裾亂橫簪歷鬢垂曲中人未取誰堪白日移不分他
相識唯聽使君知

送別於建興苑相逢

相逢小苑北停車問苑中梅新雜柳故粉白映綸紅去
影背斜日香衣臨上風雲流階漸黑冰開池半通去馬
船難駐啼鳥曲未終眷然從此別車西馬復東

侍宴

一作侍宴景陽樓應令

沐道逢將聖飛觴屬上賢
仁風開美景瑞氣動非煙
秋樹翻黃葉寒池墮黑蓮
承恩謝命淺念報在身前

侍宴錢湘東王應令

陳王從遊士高宴入承華
並載同連璧雕文類簡沙
落猿時動樹墜雪暫搖花
念此離筵促方愁別路賒

錢張孝總應令

外編作吳均者非

江上早寒生蕭條鏡管清
別筵開帳殿離舟卷幔城
前山黃葉起對岸白沙驚
臨渦同極望竊吹愧才輕

侍宴錢東陽太守范子雲

范當作蕭

東部資良守北宮敦獻酬
新枝漸接樹故凍欲含流
早花少餘雪春寒極晚秋
徒嗟白岸遠空想赤松遊

和晉安王薄晚逐涼北樓回望應教

向夕紛誼屏追涼飛觀中
樹影臨城日牕含度水風
遙天如接岸遠帆似凌空
陪文慙宋玉徒等待蘭宮

贈周處士

九丹開石室三徑沒荒林
仙人翻可見隱士更難尋
籬下黃花菊丘中白雪琴
方欣松葉酒自和遊山吟

李蕭遠有

遊山
九吟

新林送劉之遴

旆轉黃山路舟纜白馬津送輪時合憶分驂各背塵常

山喜臨岱隴頭悲望秦欲持漢中策還以贈征人

奉使江州舟中七夕

九江逢七夕初弦值早秋天河來映水織女欲攀舟漢

使俱為客星槎共逐流莫言相送浦不及穿針樓

南苑看人還

春花競玉顏俱折復俱攀細腰宜窄衣長釵巧挾鬟洛

橋初度燭青門欲上關中人應有望上客莫前還

詠美人看畫應令

和簡文

欲知畫能巧喚取真來映並出似分身相看如照鏡安

釵等踈密著領俱周正不解平城圍誰與丹青競

奉和藥名詩

簡文元帝皆有藥名詩

英王牧荆楚聽訟出池臺督郵稱蝗去亭長說烏來行

塘朱露響當道赤帷開馬鞭聊寫賦竹葉暫傾杯

看放市

旗亭出御道遊目暫迴車既非隨舞鶴聊思索枯魚懸

龜識季主榜酒見相如日中人已合黃昏故未踈

和望月

桂殿月偏來留光引上才圓隨漢東蚌暈逐淮南灰渡
河光不濕移輪轍詎開此夜臨清景還承終宴杯

和徐主簿望月

樓上徘徊月牕中愁思人照雪光偏冷臨花色轉春星
流時入暈桂長歎侵輪願以重光曲承君歌扇塵

詠風

宋地鷓飛初湘川燕起餘掃一作壇聊動竹吹薤歆成

書蒼梧洞猶在

一作蒼嶮
桐猶在

合浦樹應踈陽鳥一轉翅千

里定非虛

詠花雪

瑞雪墜堯年因風入綺錢飛花灑庭樹凝瑛結井泉寒
光晦八極同雲暗九天已飄黃竹路共慶白渠田

春日

桃紅柳絮白照日復隨風影出朱城外香歸青殿中水
映寄生竹山橫半死桐頌文知渥重搦札媿才空

七夕

玉匣卷懸衣針樓開夜扉姮娥隨月落織女逐星移離
前忿促夜別後對空機倩語雕陵鵲填河未可飛

歲盡應令

歲序已云殫春心不自安聊開栢葉酒試奠五辛盤金
薄圖神燕朱泥却一作鬼丸梅花應可折倩爲雪中看

賦得山

層雲霾峻嶺絕澗倒危峯刻削臨千仞嵯峨起百重行
曦上杳杳結霧下溶溶仁心留此屬休奉愧群龍

同蕭左丞詠摘梅花

櫻梅朝始發庭雪晚初消折花牽短樹攀叢入細條垂
冰溜玉手含刺冒春腰遠道終難寄馨香徒自饒

和晉安王詠鸞

簡文有雙燕詩樂府題云雙燕離

可憐幕上鸞羞池弄羽衣夜夜同巢宿朝朝相對飛
泥瞻樂善相賀奉英徽秋蟬行寂寞戀此未辭歸
詠胡牀應教

傳名乃外域入用信中京足歌形已正文斜體自平臨
堂對遠客命旅誓初征何如淄館下淹留奉盛明
暮遊山水應令賦得磧字

餘春屬清夜西園恣遊歷入逕轉金輿開橋通畫鷁細
藤初上援新流漸涵磧雲峯沒城柳電影開巖壁疑闕

奉和湘東王應令二首

春宵

征人別來久年芳復臨牖燭下夜縫衣春寒偏著手願
及歸飛鴈因書寄高柳

冬曉

鄰雞聲已傳愁人竟不眠月光侵曙後霜明落曉前
縈髮起照鏡誰忍插花鈿

詠簷鷺

雙鷺集蘭閨雙飛高復低向戶疑新箔登巢識故泥依
欄本相賀近暮願同栖

奉和便省餘秋

以下三首
文疑闕

前對金精坂傍臨圓水池照影礙浮葉看山通迥枝鴈
行連霧盡雨足帶雲移

被使從渡江

八陣引佳兵三河總艦舳絳天揚遠旆雷野驅長轂夜
劔動星芒秋潮驚箭服

登城北望

誓師屠六郡登城望九巖山沉黃霧裏地盡黑雲中霜
戈曜壠日哀笳斷塞風

道館

仙人白鹿上隱士潛溪邊試取西山藥來觀東海田
賦得轉歌扇

團紗映似月蟬翼望如空迴持掩曲態轉作送聲風

詠舞

飛鳧袖始拂啼鳥曲未終聊因斷續唱試託往還風

詠舞曲應令

歌聲臨盡閣舞袖出芳林石城定若遠前溪應幾深

詠主人少姬應教

故年齊總角今春半上頭那知夫婿好能降使君留

詠長信宮中草

委翠似知節含芳如有情全由履迹少併欲上階生

石崇金谷妓

蘭堂上客至綺席清絃撫自作明君籛還教綠珠舞

遠看放火

風前細塵起月裏黑烟生發燄看喬木侵光識遠城

舟中寒望

日暮敞鳧舟曾冰合駛流雪照齊君履寒入楚王裘

石橋

簡文有作

秦王金作柱漢帝玉為欄仙人飛往易道士出歸難

詠桂

新叢入望苑舊榦別層城倩視今移處何如月裏生

賦得池萍

風翻乍青紫浪起時踈密本欲嘆無根還驚能有實

新苔

隨潮染岸石逐脉聚浮楂徒令阿谷麗停筐不汰沙

被執作詩一首

見太平御覽

三國典畧曰宋子仙破會稽購得肩吾謂之曰昔聞汝能詩今可作若能當貫汝命肩吾操筆立成子仙乃釋之

髮與年俱暮愁將罪共深聊持轉風燭暫映廣陵琴

三日侍宴詠曲水中燭影

七言

重燄垂花比芳樹風吹水動俱難住春枝拂岸影上來

還杯繞客光中度

附曲水聯句

春色明上已桃花落繞溝波迴卮不進綸下鉤時留

臣導

絳水時迴岸花觴轉更周陳肴渡玉俎垂餌下銀鈎

王臺

卿迴川入帳殿列俎間芳洲漢艾凌波出江楓拂岸遊

庾有

王生迴水碓蔡姬蕩輕舟岸燭斜臨水波光上映

樓

下殿

八關齋夜賦四城門更作四首

殿下即簡文時為皇太子中庶府君謂有吾為太子中庶子

第一賦韻東城門病

伏枕愛危光痾纏生易折無因雪岸草慮反砭山穴

徐防

消渴腠腸府疼蹇嬰肢節如何促齡內憂苦無暫缺

孔熹

南城門老

虛蕉誠易犯危藤復將嚙一隨柯已微當年信長訣

諸葛

岵

已同白駒去復類紅花熱妍容一旦罷孤燈行自設

君

西城門死

綏心雖殊用戒景寧優劣一隨業風盡終歸虛妄設

王臺

卿五陰誠為假六趣寧有截零落竟同歸憂思空相結

李鏡遠

北城門沙門

俗幻生影空憂繞心塵墮於茲排四纏去矣求三涅

下殿

下學輩留心方從窈冥別已悲境相空復作泡雲滅

中庶

君府

第二賦韻東城門病

空痾誠易愈有病故難痊徒知餌五色終當悲九泉

王臺

卿已無雲山草沉痾竟誰憐復悲淪苦海何由果淨天

諸葛嶢

南城門老

昔類紅蓮草自玩綠池邊今如白華樹還悲明鏡前

下殿

壯心欲何在餘日乃西遷清罇不復樂蓬髮豈還妍

徐防

西城門死

高堂信逆旅懷業理常牽玉匣方委襯金臺不復延

中庶

君府挽聲隨逕遠蘿影帶松懸詎能留十念唯應逐四緣

君

北城門沙門

經行林樹下求道志能堅既有神通力振錫遠乘烟

李鏡

遠 一登四弘誓至道莫能先不貪曠劫壽無論延促年

孔 燾

第三東城門病

纏痾緬百年自傷無五福長縈畫篋蛇不值仙人鹿

習染迷畫瓶臥起求栖宿羅襦豈再歡臨岐方土木

府 君

南城門老

少年愛紈綺衰暮慙羅縠徒傷歲冉冉陳詩非郁郁

卿 鶴髮辭軒冕鮒背烹葵菽松柏稍相依懽愛時睦睦

李 鏡 遠

西城門死

追念平生時遨遊上苑園一沒松柏下春光徒儵昱

結根素因假枝葉綠骨肉自應蠖蟻驅值此風刀逐

嶠

北城門沙門

俗繭厭纏絲因田抽善穀長披忍辱鎧去此織羅服

願引三塗衆俱令十使伏珠月猶沉首金鉀未挑目

第四東城門病

徐 防 君

紫紉未可得漳濱徒再離一逢犬馬病賁育罷驅馳李鏡
遠已無九轉術復闕萬金竒不看授疆掌唯憂蓮花池

南城門老

盛年歌吹日顧步惜容儀一朝衰朽至星星白髮垂孔熹
已傷萬事盡復念九門枝垂軒意何在獨坐鏡如斯庶中

西城門死

一息於今罷平生詎可規天長曉露促千齡誰復知殿下

華堂一相捨松帳杳難窺萬祀藏珠應千年罷玉羈徐防

北城門沙門

深心不可染正道亦難歌方除五欲累長辭三雅卮王臺

卿依空慮難靜習善路猶弛沒身竟靡託單孟詎待賞

諸葛
塏

詩紀卷之八十

詩紀卷之八十一

梁十八

吳均 字叔庠吳興故章人也好學有俊才天監初擢

有古氣好事者效之謂為吳均體建安王引為記

卒

樂府

戰城南

蹀躞青驪馬往戰城南
畿五歷魚麗陣三入九重圍
名惜武安將血汗秦王衣
為君音氣重無功終不歸

又此與下篇藝文失題列戰城南後英華遂以為題當再考

前有濁樽酒一作酒尊憂思亂紛紛小來一作少年重意氣學劍

不學文忽值胡關靜匈奴遂兩分天山已半出龍城無

片雲漢世平如此何用李將軍

又詩彙作胡無人行

陌上何誼誼匈奴圍塞垣黑雲藏趙樹黃塵埋隴垠天

子羽書勞將軍在玉門闕

雉子班

可憐雉子班群飛集野甸文章始陸離意氣已驚狷幽

弄遊俠子直心亦如箭生死報君恩誰能孤恩眄量

入關

羽檄起邊庭烽火亂如螢是時張博望夜赴交河城馬

頭要落日劔尾掣流星君恩未得報何論身命傾美

梅花落

終夕十二月寒風西北吹獨有梅花落飄蕩不依枝流

連逐霜彩散漫下冰澌何當與春日共映芙蓉池送

城上烏

鳴鳴城上烏翩翩尾畢逋凡生八九子夜夜啼相呼質

六八詩集卷之六
微知慮少體賤毛衣麕陛下三萬歲臣至執金吾

從軍行

男兒亦可憐立功在北邊陣頭橫却月馬腹帶連錢懷
戈發隴坻乘凍至遼川微誠君不愛終自直如弦

胡無人行

劍頭利如芒恒持照眼光鐵騎追驍虜金羈討黠羌高
秋八九月胡地早風霜男兒不惜死破膽與君嘗

雉朝飛操

二月雉朝飛橫行傍龍歸斜看水外翟側聽嶺南翬蹀

蹀恒欲戰耿耿恃疆威當令君見賞荷辭碎錦衣

渡易水

一作荆歌

雜虜客來齊時余在角抵揚鞭渡易水直至龍城西日
昏笳亂動天曙馬爭嘶不能通瀚海無面見三齊

結客少年場

結客少年歸翩翩駿馬肥報恩殺人竟賢君賜錦衣握
蘭登建禮拖玉入含暉顧看草玄者功名終自微

妾安所居

賤妾先有寵蛾眉進不遲一從西北麗無復城南期何

因一作暫豔逸豈為乏妍姿徒有黃昏望寧遇青樓時
惟惜應門掩方餘未巷悲匡牀終不共何由橫自私

送歸曲

送子獨南歸攬衣空閔默關山晝欲暗河水夜向塞鷺
至他人鄉鴈去還誰國寄子兩行書分明達濟北

夾樹

桂樹夾長陂復值清風吹氤氳揉芳葉連綿交密枝能
迎春露點不逐秋風移願君長惠愛當使歲寒知

城上麻

麻生滿城頭麻葉落城溝麻莖左右披溝水東西流少
年感恩命奉劔事西周但令直心盡何用返封侯

擬古四首

陌上桑

嫋嫋陌上桑蔭陌復垂塘長條映白日細葉隱鸝黃蠶
飢妾復思拭淚且提筐故人寧知此離恨煎人腸

西三千里秦王卷衣

咸陽春草芳秦帝卷衣裳玉檢茱萸匣金泥蘇合香初
芳薰復帳餘輝耀玉牀當須晏朝罷持此贈華陽

一作龍陽

採蓮曲

錦帶雜花鈿羅衣垂綠川問子今何去出採江南蓮
西三千里欲寄無因緣願君早旋返及此荷花鮮

採蓮曲

豔裔陽之春攜手清洛濱鷄鳴上林苑薄暮小平津
長裾藻白日廣袖帶芳塵故交一如此新知詎憶人

採蓮曲

初學作元帝題云賦得涉江採芙蓉

江風當夏夜

一作

清桂檝

一作

逐流縈初疑京兆劍復似

漢冠名荷香帶風遠蓮影向根生葉卷珠難溜花舒紅
易傾日暮鳧舟滿歸來度錦城

二婦豔詩

大婦弦初切中婦管方吹小婦多姿態含笑逼清卮
佳人勿餘及慙慙妾自知

大垂手

以下二首藝文作簡文帝

垂手忽迢迢飛燕掌中嬌羅衫恣風引輕帶任情搖
詎似長沙地促舞不回腰

小垂手

舞女出西秦躡影舞陽春且復小垂手廣袖拂紅塵折

腰應兩笛頰足轉雙巾蛾眉與曼臉見此空愁人

有所思

薄暮有所思終持淚煎骨春風驚我心秋露傷君髮

雍臺

雍臺十二樓樓樓鬱相望隴西飛狐口白日盡無光

楚妃曲

春妝約春黛如月復如蛾玉釵照繡領金薄厠紅羅

白浮鳩

瑯琊白浮鳩紫翳飄陌頭食飲東莞野棲宿越王樓

陽春歌

紫苔初泛水連綿浮且沒若欲歌陽春先歌青樓月

別鶴

別鶴尋故侶聯翩遼海間單棲孟津水驚唳隴頭山

淶水曲

香暖金堤滿湛淡春塘溢已送行臺花復倒高樓日

綠竹

嬋娟鄣綺殿繞弱拂春漪何當逢採拾為君笙與篴

行路難五首

洞庭水上一株桐經霜觸浪困嚴風昔時抽心耀白日
今日卧死黃沙中洛陽名工見咨嗟一剪一刻作琵琶
白壁規心學明月珊瑚映面作風花帝王見賞不見忘
提携把握登建章掩仰摧葳張女彈殷勤捉柱楚明光
年年月月對君子遥遥夜夜宿未央未央綵女棄鳴篪
爭先拂拭生光儀茱萸錦衣玉作匣安念昔日枯樹枝
不學衡山南嶺桂至今千載猶未知

青瑣門外安石榴連枝接葉夾御溝金墉城西合歡樹
垂條照彩拂鳳樓遊俠少年游上路傾心顛倒想戀慕
摩頂至足買片言開胸瀝膽取一顧自言家在趙邯鄲
翩翩舌杪復劍端青驪白駁的盧馬金羈綠控紫絲鞵
躑躅橫行不肯進夜夜汗血至長安長安城中諸貴臣
爭貴儒者席上珍復聞梁王好學問輕棄劍客如埃塵
吾丘壽王始得意司馬相如適被申大才大辯尚如此
何況我輩輕薄人

君不見西陵田從橫十字成陌阡君不見東郊道荒涼
蕪沒起寒煙盡是昔日帝王處歌姬舞女達天曙今日
翩妍少年子不知華盛落前去吐心吐氣許他人今日

迴惑生猶豫山中桂樹自有枝心中方寸自相知何言
歲月忽若馳君之情意與我離還君玳瑁金雀釵不忍
見此使心危

君不見長安客舍門倡家少女名桃根貧窮夜紡無燈
燭何言一朝奉至尊至尊離宮百餘處千門萬戶不知
曙唯聞啞啞城上烏玉欄金井牽轆轤丹梁翠柱飛流
蘇香薪桂火炊雕胡一作彫茂當年翻覆無常定薄命為女

何必麤

樂府王臺
並作費咏

君不見上林苑中客冰羅霧縠象牙席盡是得意忘言

者探腸見膽無所惜白酒甜鹽甘如乳綠觴皎鏡華如
碧少年持名不肯嘗安知白駒應過隙博山鑪中百和
香鬱金蘇合及都梁逶迤好氣佳容貌經過青瑣歷紫
房已入中山馮王臺
作陰后帳復上皇帝班姬牀班姬失寵
顏不開奉帚供養長信臺日暮耿耿不能寐秋風切切
四面來玉階行路生細草金鑪香炭變成灰得意失意
須臾頃一作間非君方寸逆所裁

詩

王侍中夜集

抽蘭開石路前竹製山扉
文淪見綠水參差隱翠微
西山採藥至東都謝病歸
紡毛織野服縫芰作山衣
欲知三青鳥簷上素雲飛

登鍾山燕集望西靜壇

客思何以緩春郊滿初律
高車陸離至駿騎差池出
寶椀汎蓮花珍杯食竹實
才勝商山四文高竹林七
復望子喬壇金繩蘊綠帙
風雲生屋宇芝英被仙室
方隨鳳凰去悠悠駕白日

與柳惲相贈答六首

黃鸝飛上苑綠草出汀洲
日映昆明水春生鳩鵲樓
颺白花舞瀾漫紫萍流
書織迴文錦無因寄隴頭
思君甚瓊樹不見方離憂

鳴鞭適大阿聯翩渡漳河
燕姬及趙女挾瑟夜經過
織腰曳廣袖半額畫長蛾
客本倦遊者箕箒在江沱
故人不可棄新知空復何

離居苦無樂回慕心悽悽
要途訪趙使聞君仕執珪
杜蘅色已發菖蒲葉未齊
暮蟬蠶餌爾差池燕吐泥
願逐東風去飄蕩至遼西

白日隱城樓勁風掃寒木離枿隔東西執手異涼燠相
思咽不言洞房清且肅歲去甚流煙年來如轉軸別鶴
千里飛孤雌夜未宿

閒房肅已靜落月有餘輝寒蟲隱壁出秋蛾繞燭飛絕
雲斷更合離禽去復歸佳人今何在迢遞江之沂一為
別鶴弄千里淚沾衣

秋雲靜晚天寒夜方綿綿聞君吹冬管相思雜採蓮別
離未幾日高月三成弦蹀躞疊黃河浪嘶唱隴頭絃寄君
靡蕪葉插著叢臺邊

荅柳惲

清晨發隴西日暮飛狐谷秋月照層嶺寒風掃高木霧
露夜侵衣關山曉催軸君去欲何之參差間原陸一見
終無緣懷悲空滿目

贈柳真陽

王孫清且貴築室芙蓉池羅生君子樹雜種女貞枝南
窓帖雲母北戶映琉璃街書輓轡鳳坐水玉盤螭朝衣
茱萸錦夜覆葡萄卮聯翩驂赤兔窈窕駕青驪龍泉甚
鳴利如何獨不知

贈任黃門二首

相如體英彥左右生容暉已紆漢帝組復解梁王衣經

過雲母扇出入千金一作門扉連洲茂芳杜長山鬱翠微

欲言終未敢徒然獨依依一作默默

紛吾少馳騁自來乏名德白玉鏤衢鞍黃金瑪瑙勒射

鵬靈丘下驅馬薦門北慙慙盡日華留連窮景黑歲暮

竟無成憂來坐默默

訓蕭新浦王洗馬二首蕭子雲封新浦侯王筠為太子洗馬

始可結交者文酒滿金壺園基帝臺高繫馬秦王蒲長

劍皆玉具短笛悉銀塗送歸日愁滿留客袂紛吾今成

桓山上秋風星散烏

思君出江湄慷慨臨長薄獨對東風酒誰舉指南酌崇

蘭白帶飛青鷄紫纓絡一年流淚同萬里相思各胡為

舍旃去故人在宛洛

荅蕭新浦

僕本二陵徒英豪多父要角觝良家兒期門惡年少身

一作腰紆丈二組手擎尺一詔問子行何去高帆艤江干

今夜杯酒別明朝江水邊萋萋看細雨漠漠視濃煙颯

灑八銅箭低昂五會船欲知故人者江南共採蓮悵然
心不樂跨馬出城壕觀濤看白鷺望草見青袍青袍行
中把蔽草覆平野公子不垂堂紛紛故交者肘懸辟邪
印屋曜鴛鴦瓦翩翩流水車蕭蕭曳練馬是時君別我
青莎沒馬蹄連連文蠶鬚鷺鷥伺朝鷄今日予懷友積

恨一作雪滿東西

詠周參軍

日暮憂人起倚戶悵無懽水傳洞庭遠風送鴈門寒江
南霜雪重相如衣服單沉雲隱喬集作高樹細雨滅層巒

且當對樽酒朱絃永夜彈

東自晉贈杜容成帝王集作簡文帝詠燕今從玉臺作吳均

一鷺海上來一燕高堂息一朝相逢遇依然舊相一作所

識問余一作我來何遲山川幾紆直荅言海路長風駛一作

多飛無力昔別縫羅衣春風初入帷今來夏欲晚亲扈

一作桑蛾薄樹飛

贈朱從事

我行欲何之千里尋膠漆長葭歷渚生踈蒲綠岸出裊
裊能隨風離離堪度日客思已飄蕩相思復非一未得

幸殷勤先作數行泣

贈搖郎一作姚

星漢正參差佳人不在斯宿昔暫乖阻何異遠分離露
染靡蕪葉日照芄蘭枝風光已飄薄雲采復逶迤勞夢
無人覺默默心自知

贈王桂楊別三首

昔聞楊伯起拖金一作玉振清風高華積海外名實滿山
東自有五都相非無四世公臨窻驚白日倚匣曳輕虹
願持鷓鴣羽歲暮依梧桐

客子慘無歡送別江之干白雲方渺渺黃鳥尚關關糾
紛巫山石合沓洞庭瀾行衣侵曉露征舳犯夜湍無因
停合浦見此去一作玄珠還

樹響浹山來猿

一作溪聲繞岫急旅帆風飄揚行巾露沾

濕深浪聞蕪葭濃雲沒城邑不見別離人獨有相思泣

酬別江主簿屯騎

有客告將離贈言重蘭蕙泛舟當泛濟結交當結桂濟
水有清源桂樹多芳根毛公與朱亥俱在信陵門趙瑟
鳳凰柱吳醪金罍樽我有北山志留連為報恩夫君皆

逸翮搏景復凌鷲白雲閒海樹秋日暗平原寒蟲鳴
趨落葉飛翻翻何用贈分首自有北堂萱

酬別 一作王筠詩題
云酬張淮南別

故人杯酒別天清明月亮露下寒葭中風起秋江上衣
染潺湲泣一作棹犯參差浪七首直千金七寶雕華裝
側亮 生離何用表賴此持相餉

贈別新林 一作江潭怨

僕本幽并兒抱劍事邊陲風亂青絲絡霧染黃金羈天
子既無賞公卿竟不知去去歸去來還傾鸚鵡盃氣為
故交絕心為新知開但令寸心是何須銅雀臺

發湘州贈親故別三首

相送出江潯淚下沾衣襟何用叙離別臨岐贈好音敬
通才如此君山學復深明哲遂無賞文華空見沉古來
非一日無事更勞心

雲生曉霽霽花落夜霏霏問余何意別荅言倦遊歸徒
勞易水布空負洛陽衣懷金無人別抱玉遂成非安得
久留滯商山饒白薇
君留朱門裏我至廣江濱城高望猶見風多聽不聞流

蘋方繞繞落葉向一作紛紛無由得共賞山川間白雲

同柳吳興烏亭集送柳舍人

河陽一悵望南浦送將歸雲山離掩曉花霧共依霏流
連百舌啼下上陽禽飛桂舟無淹柁玉軫有離徽願君

嗣蘭杜時採東臯薇

同柳吳興何山湖州山名集送劉餘杭

王孫重離別置酒峯之畿逶迤川上草參差澗裏薇輕

雲紉遠岫細雨沐山一作衣簷端水禽息窓上野螢飛

君隨綠波遠我逐清風歸

送柳吳興竹亭集

平原不可望波瀾千里直夕魚汀下戲暮雨簷中息白

雲時去來青峯復負側躑躅牛羊下晦昧崦嵫色王孫

猶未歸且聽西光匿

初至壽春作

桓譚不賣交馮子任紆直浮溺逐波影飄揚恣風力北

州少知舊南陽寡相識中駕每傾輪當騫復摧翼望美

無津梁私自憐何極

登壽陽八公山

遠澗自傾曲石淑復戔戔含珠岸恒翠懷玉浪多圓踈
峯時吐月密樹不開天瑤繩盡玄秘金檢上竒篇是有
琴高者陵波去水仙

壽陽還與親故別

故人來送別帳酒臨行阡露繁秋色慢氣愴蟪聲前鴈
渡章華國葉亂洞庭天復有向隅淚中腸皆涕漣但願
千丈松結景雲之峯山高日華早枝多風彩重我還愛
芳杜君住揖驪龍

邊城將四首

塞外何紛紛胡騎欲成群爾時始應募來投霍冠軍刀
含四尺影劍抱七星文袖間血灑地車中旌拂雲輕軀
如未殞終當厚報君

僕本邊城將馳射靈關下箭銜鴈門石氣振武安瓦勳
輕營廢丘名高拜橫野留書應鑿楹傳功湏勒社徒傾
七尺命酬恩終自寡

聞君報一飡遠送出平野玉標丹霞劍金絡豔光馬高
旗入漢飛長鞭歷地寫曙星海中出曉月山頭下歲晏
坐論功自有思臣者

臨淄重蹴鞠曲城好擊刺不要身後名專騁眼前智君
看班定遠立功不負義掣拽二丈旗躑躅雙鳧騎但問
相知否死生無險易

秋念

團團珠暉轉炤炤漢陰移箕風入桂露壁月滿一作瑤
池樹青草未落蟬涼葉已危還深長夜想顧憶臨卽危
芳杜果蕪沒纓帶欲何為

春怨

四時如湍水飛奔競迴復夜鳥響嚶嚶朝花照煜煜厭

見花成子多看筍成

一作為

竹萬里斷音書十載異栖宿

積愁落芳鬢長啼壞美目君去往榆關妾留住函谷唯
對昔耶房如愧蜘蛛屋獨喚響相酬還持影自逐象床
易氈簾羅衣變單複幾過度風霜猶能保筑獨

採藥大布山

我本北山北緣澗採山麻九莖日反

一作間

照三葉長生

花可用蠲憂疾聊持駐景斜景斜不可駐年來果如驅
安得崑崙山偃蹇三珠樹三珠始結莖絳葉凌朱臺玉
壺白鳳肺金鼎青龍胎韓衆及王子何世無仙才安期

贈周興嗣四首

見文苑英華註

孺子賤而貧且非席上珍唯安萊蕪甌兼慕林宗巾百
 年逢繾綣千里遇殷勤願持江南蕙以贈生芻人
 思君欲何言中心亂如霧淚下非一端愁來誰有數子
 為馮敬通不減汲長孺千里無關梁安得王喬履
 與君初相知不言異一宿意欲褰衣裳陰雲亂人目之
 子伏高卧伊予空杼軸無因渡淇水見此猗猗竹
 可怨異疑作思公子終自不敢言青松蔽南隴白雲生北
 園沉憂無人語默念空憑軒安得湛盧劍以報相知恩

雲外散騎侍郎給事中直西省左衛率

周興嗣

字思纂瑯郡人
世居姑熟遷員

明燈照暗室邊韶對趙壹但酌中山酒唯甘江浦橘

風動雲入箕雨至月離畢王丹贈不拜是我相知日

後漢王丹贈
陳遺以不拜

驚鳥起北海儀鳳飛上林騫鴮不同翼歡楚亦殊音

曠曠夕雲起落落曉星沉李陵報蘇武但令知我心

昔別襄城村同會長安市誰學萊蕪甌本得王喬履

堦前養素鶴池中飴赤鯉一往玉壺上蕪復見蕭史

入蘭臺贈王治書僧孺
故人揚子雲校書麟閣下寂寞少交遊
紛綸富文雅予為隴西使寓居洛陽社
相思非不深行行避驄馬

江上酬鮑幾

振棹出江湄依依望九疑欲謁蒼梧帝
過問沅湘姬折荷縫作蓋落羽紡成絲
吾行別有意不為君道之

贈柳秘書

靡蕪與丹桂竒心復竒骨已蔽蒼龍門
又影鳳皇闕紫雲依夜來清風扶晚發
鴛鴦若上天寄聲謝明月

詣周承不值因贈此詩

承一作丞後放此

竹枝任風轉蘭心逐風卷青雲葉上團
白露花中泫聞君入騎踈聊寄錦中書
一隨平原客寧憶豫章徐

遙贈周承

巨石亂天崖雜樹鬱參差伯魚留蜀郡
長房還葛陂練波中月亭亭雲上枝
高岑蔽人者無處得相知

周承未還重贈

石渠閔無人子雲今何在顧望獨懷

一作疑

憂銜杯竟誰

待散雪逐吹寒蓬姿浮霜采甘泉無竹
花鷓鴣欲還海

贈王桂陽

松生數寸時遂為草所沒未見籠雲心誰知負霜骨弱
榦可摧殘纖莖易凌忽何當數千尺為君覆明月

酬郭臨丞

聞君立名義我亦倦晨征馬在城上蹠劍自腰中鳴白
日遼川暗黃塵隴坻驚願君但銜酒深知有素誠

憶費昶

皎皎日將上獵獵起微風山沒清波內帆在浮雲中直
趣珠星北斜開碧海東故人若思我當念離根蓬

子瞻寒酬聞人侍郎別三首

悵然心不樂萬里向悠悠凌朝憇枉渚薄暮遵江洲君

住青門上我發霸陵頭相思自有處春風明月樓一作明月

清風樓

整棹北川湄迴首望城邑林疎風至少山高雲度急共
懷萬里心各作千行泣欲見終無緣思君空佇立

舉首川之折

當作沂

離鴻四向飛子憐三湘薛

說文薛與薛同莎也

我憶五陵薇但使同嘉遁何必共輕肥思君美如玉不

覺淚沾衣

贈鮑春陵別

落葉思紛紛蟬聲猶可聞
水中千丈月山上萬重雲
海鴻來倏去林花合復分
所憂別離意白露下霑裙

別王謙

嚴光不逐世流轉任飛蓬
欲還天台嶺不狎甘泉宮
離歌玉絃絕別酒金卮空
儻遺故人念僕在東山東

奉使廬陵

悵然不自怡端憂坐漠漠
風急鴈毛斷冰堅馬蹄落
客子飢寒多江上衣裝薄
何當報恩罷驅車還北郭

迎柳吳興道中

團團日西靡客念已蹉跎
長風倒危葉輕練網寒波
白雲光彩麗青松意氣多
所言鮑恩德忘我北山蘿

至湘洲望南岳

重波淪且直連山糾復紛
鳥飛不復見風聲猶可聞
隴樹裏月飄飄水上雲
長安遠如此無緣得報君

登二妃廟

朝雲亂入當作人目帝女湘川宿
折菡巫山下採荇洞庭
腹故以輕薄好千里命艫舳
何事非相思江上葳蕤竹

僕本報恩人走馬救東秦黃龍暗迢遞青泥寒苦辛野
戰劔鋒盡攻城才智貧唯餘一死在留持贈主人
元淑勢位卑長鄉宦情寡二頃且營田三錢聊飲馬懸
風白雲上挂月青山下心中欲有言未得忘言者

古意七首

雜虜寇銅鞮征役去三齊扶山剪疏勒傍海掃沉黎劔
光夜揮電馬汗書成泥何當見天子畫地取關西
匈奴數欲盡僕在玉門關蓮花穿劍鏑秋月掩刀環春

機思

一作

窈窕夏鳥鳴

一作

綿蠻中人坐相望狂夫終

未還

西都盛冠盖九達塵霧塞中有惡少年伎能專自得王

鞭蓮花劍金苜流星勒聊為路傍人寫鞞長楸北

賤妾思不堪採桑渭城南帶減連枝繡髮亂鳳凰一作

簪花舞依長薄蛾一作飛愛綠潭無由報君信流涕向

春英華題云和蕭洗馬
古意○一作採桑

妾本倡家女出入魏王宮既得承瑇輦亦在更衣中蓮
花銜青雀寶粟鈿金蟲猶言不得意流涕憶遼東

何處報君書隴右五岐路泪研兔枝墨筆染鵝毛素碧

浮盂渚水香下洞庭路應歸遂不歸芳春空擲度

妾家橫塘北發艷小長干花釵玉宛轉珠繩金絡紈一作

九幕塵懸丹一作鳳逶迤搖白團誰能分見此含恨不

能言一作誰堪久見此含恨不相看

閨怨二首

胡笳屢悽斷征蓬未肯還妾坐江之介君戍小長安相

去三千里參商書信難四時無人見誰復重羅紈

春草可攬結妾心正斷絕綠髮愁中改紅顏啼裏滅非

獨淚成珠亦見珠成血願為飛鵲一作鏡翩翩照離別

玉臺作
在

去妾贈前夫

棄妾在河橋相思復相遼鳳凰簪落髮蓮花帶緩腰腸

從別處斷貌在淚中消願君憶疇昔片言時見饒

詠少年樂府作
少年行

董生唯巧笑子都信美目百萬市一言千金買相逐不

道參差菜誰論窈窕淑願言捧繡被來就越人宿

詠雪

微風搖

一作過

庭樹細雪下簾隙縈空如霧轉凝階似花

積不見楊柳春徒看桂枝白零淚無人道相思空何益

雪逐春風來過集巫山野瀾漫雖可愛悠一作揚詎堪

把問君何所思昔日同心者坐須風雪霽相期洛城下

春從何處來拂水復驚梅雲障青瑣闥風吹承露臺美

人隔千里羅幃閉不開無由得共語空對相思杯

共賦韻詠庭中桐

龍門有竒儂自言梧桐枝華暉實掩映細葉能披離不

降周王子空待歲時移嚴風忽交勁遂使無人知

詠柳

細柳生堂北長風發鴈門秋霜常振葉春露詎濡根朝

作離蟬宇暮成宿鳥園不為君所愛摧折當何言

本自乘軒者為君階下禽摧藏多好貌清吟有竒音稻

梁惠既重華池遇亦深懷恩未忍去非無江海心

寶劍

寶劍

寶劍

寶劍

寶劍

我有一寶劍出自昆吾溪照人如照水切玉如切泥鐔
邊霜凜凜匣上風淒淒寄語張公子何當來見携

不自來詠燈

昔在鳳凰闕七采蓮花莖陸離看寶帳爛熳照文屏檐
豔烟光轉氛氲霧裏輕能方三五夜挂樹月中生

略林士別夏侯故章

白馬黃金羈青驪紫絲鞵新知關山別故人河梁送置
此一函書為余達雲夢

以服散鎗贈殷鈞

王鉉布交文金丹煥仙說九沸翻成緩七轉良為切執
以代疏麻長貽故人別

梅花

梅性本輕蕩世人相陵賤故作負霜集作雪花欲使綺羅

見但願深相知千當作早摧非所戀

征客

公卿來悵別葭聲在狹斜玉樽浮雲蓋朱輪流水車鞵
中懸明月劔杪照蓮花闕

雜句四首

書蟬已傷念夜露復沾衣昔別曾何道今夕螢光飛

錦腰連枝滴一作繡領合歡斜夢中誰不見終成亂眼

花

蜘蛛簷下挂絡繹井邊啼何曾得見子照鏡窺東西

泣聽離夕歌悲銜別時酒自從今日去當復相思否

山中雜詩三首一作還山

山際見來烟竹中窺落日鳥向簷上飛雲從窻裏出

綠竹可克食女蘿可代裙山中自有宅桂樹籠青雲

具區窮地險嵇山萬里餘柰何梁隱士一去無還書

詠雲二首一作浮雲

飄飄上碧虛藹藹隱青林氛氲如有意縈鬱詎無心

白雲蒼梧來過拂章華臺逢河散復卷經風合且開

詠慈姥磯石上松

根為石所蟠枝為風所碎賴我有貞心終凌細草輩

送呂外兵

白雲浮海際明月落河濱送君長太息徒使淚沾巾

傷友

可憐桂樹枝懷芳君不知摧折寒山裏遂死無人窺

下嶽封巒外對方
意亦吹簫竹寒山
東嶺夜無人
曉

白雲
天息
中

天息
中

天息
中

詩紀卷之八十一



